

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), tačke II. Odluke Vlade Zeničko-dobojskog kantona o određivanju Ministarstva za privredu, kao nadležnog kantonalnog organa za pripremu Programa javnih investicija kantona („Službene novine Zeničko-dobojskog kantona“, broj: 5/15 i 6/11) i Zaključka Vlade Zeničko-dobojskog kantona, broj: 02-34-14514/17 od 20.10.2017. godine, na prijedlog Ministarstva za privredu, Vlada Zeničko-dobojskog kantona na 125. sjednici, održanoj dana 25.12.2017. godine, d o n o s i

ZAKLJUČAK

I.

Prima na znanje Izvještaj o radu Komisije za Program javnih investicija Zeničko-dobojskog kantona za period januar-oktobar 2017. godine.

II.

Izvještaj iz tačke I. čini sastavni dio ovog Zaključka.

III.

Zaključak stupa na snagu danom donošenja.

Broj: 02-_____ /17.

Datum, 26.12.2017. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Komisija, putem ministarstva,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KOMISIJA ZA PROGRAM JAVNIH
INVESTICIJA ZENIČKO-DOBOJSKOG KANTONA**

**IZVJEŠTAJ
O RADU KOMISIJE
ZA PROGRAM JAVNIH INVESTICIJA
ZA PERIOD JANUAR - OKTOBAR 2017. GODINE**

(po Zaključku Vlade Zeničko-dobojskog kantona,
broj: 02-34-14514/17 od 20.10.2017. godine)

Zenica, oktobar 2017. godine

Komisija za Program javnih investicija Zeničko-dobojskog kantona imenovana je Rješenjem Vlade Zeničko-dobojskog kantona o imenovanju Komisije za program javnih investicija Zeničko-dobojskog kantona ("Službene novine Zeničko-dobojskog kantona", broj 9/15) godine, u sastavu:

1. Nada Delibašić, predsjednik Komisije,
2. Ljiljana Anđelić, zamjenik predsjednika,
3. Rasim Kovač, član,
4. Senada Dizdar, član,
5. Željko Bodul, član,
6. Ankica Radić, član,
7. Đenana Čolaković, član,
8. Amra Babić, član,
9. Ismar Alagić, član, i
10. Adis Čehić, sekretar Komisije.

U izvještajnom periodu Komisija za Program javnih investicija Zeničko-dobojskog kantona provodila je niz aktivnosti na pripremi razvojnih politika i programa javnih investicija Zeničko-dobojskog kantona.

JANUAR 2017.

Komisija za Program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je nekoliko radno-konsultativnih sastanaka na kojim se razgovaralo o slijedećim temama:

Dana 17.01.2017. godine od strane Ministarstva finansija ZDK dostavljena je obavijest da je, u skladu sa Odlukom Vlade ZDK, umjesto Ministarstva finansija, za nadležni kantonalni organ za pripremu Programa javnih investicija Kantona određeno Ministarstvo za privredu ZDK.

Dana 18.01.2017. godine od strane Ministarstva finansija ZDK dostavljena je informacija Javnog preduzeća za prostorno planiranje i uređenje grada d.o.o. Zenica o projektu - IP obrazac: Projekt izgradnje Glavne gradske magistrale u Zenici između Saudijskog fonda za razvoj i Bosne i Hercegovine.

Dana 27.01.2017. godine od strane Federalnog ministarstva finansija dostavljen je zahtjev za popunjavanje IP obrazaca za izradu Programa javnih investicija 2018.-2020. godina na osnovu kojeg je potrebno u sistemu PIMIS izvršiti ažuriranje podataka o projektima sa 31.12.2016. godine, te ažuriranje podataka i promjenu statusa za projekte koji su završeni u 2016. godini.

FEBRUAR 2017.

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je nekoliko radno-konsultativnih sastanaka na kojim se razgovaralo o slijedećim temama:

Dana 09.02.2017. godine Ministarstvo za privredu ZDK, kao nadležni kantonalni organ, je svim organima uprave, upravnim organizacijama i službama ZDK, kao i jedinicama lokalne samouprave na području ZDK uputilo zahtjev za dostavu podataka o investicijskim projektima koje je potrebno dostaviti putem IP obrazaca, a u cilju pripreme za izradu Programa javnih investicija 2018.-2020. godine. Nakon toga će u sistemu PIMIS biti izvršeno

ažuriranje podataka o projektima sa 31.12.2016. godine, te ažuriranje podataka i promjena statusa za projekte koji su završeni u 2016. godini.

Redovno su se provodile konsultacije za svim relevantnim nosiocima aktivnosti. U skladu sa Uredbom, nosioci aktivnosti u procesu izrade programa javnih investicija kantona su: Vlada Kantona, nadležni kantonalni organ, Komisija za PJI kantona, kantonalni organi uprave (kantonalna ministarstva i kantonalne uprave), jedinice lokalne samouprave (grad i općine), agencije, samostalne upravne organizacije, specijalizirane organizacije i posebna tijela (zavodi, direkcije, agencije, instituti i sl.) i javna preduzeća. Da bi projekat bio kandidovan u PJI uz kriterij kvalitete mora se zadovoljiti i kriterij minimalne vrijednosti. Minimalna ukupna vrijednost projekta koji se kandiduje u PJI Federacije je 1.000.000 KM. Ukupna vrijednost projekta definiranog na kantonalnom nivou koji se kandiduje u PJI kantona mora iznositi najmanje 500.000 KM, dok minimalna ukupna vrijednost projekta definiranog na gradskom ili općinskom nivou koji se kandiduje u PJI kantona iznosi 100.000 KM. Budžetskim sredstvima ili zaduživanjem može se finansirati samo onaj projekt koji je uvršten u PJI uz izuzetak projekata koji služe ublažavanju posljedica izazvanih nastankom vanrednih i nepredvidivih događaja (elementarne nepogode, vanjski šokovi ili krize). Uvrštavanje pojedinih projekata u Program javnih investicija Zeničko-dobojskog kantona ne predstavlja garanciju i za dodjelu sredstava iz Budžeta Zeničko-dobojskog kantona. Svi potpuni projektni prijedlozi koji zadovoljavaju minimalne kvalifikacijske kriterije prolaze postupak bodovanja i rangiranja koje vrši Komisija i uključuju se u PJI Zeničko-dobojskog kantona.

MART 2017.

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je nekoliko radno-konsultativnih sastanaka te se održavala redovna komunikacija za izvjestiocima o implementaciji projekata koji su ušli u raniji Program javnih investicija 2017.-2019. godine, a koji su, u skladu sa Uredbom, u obavezi da izvještavaju o istim. Također se održavala redovna komunikacija sa potencijalnim predlagačima projekata za novi Program javnih investicija za 2018.-2020. godine radi davanja pojašnjenja, sa ciljem postupanja u skladu sa Uredbom, kao i prikupljanja cjelovite i relevantne dokumentacije čime će se omogućiti da njihovi projekti uđu u novi Program javnih investicija uzimajući u obzir ključni kriterij kompletiranosti dokumentacije u skladu sa članom 12. Uredbe.

Redovno su se provodile konsultacije za svim relevantnim nosiocima aktivnosti.

APRIL 2017.

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je više radno-konsultativnih sastanaka, te se održavala redovna komunikacija za izvjestiocima o implementaciji projekata koji su ušli u raniji Program javnih investicija 2017.-2019.godine, a koji su, u skladu sa Uredbom, u obavezi da izvještavaju o istim. Također se održavala redovna komunikacija sa potencijalnim predlagačima projekata za novi Program javnih investicija 2018.-2020. godine, radi davanja pojašnjenja, a sa ciljem postupanja u skladu sa Uredbom i prikupljanja cjelovite i relevantne dokumentacije, kako bi se omogućilo da njihovi projekti uđu u novi Program javnih investicija, uzimajući u obzir ključni kriterij kompletiranosti dokumentacije u skladu sa

članom 12. Uredbe. Redovno su se provodile konsultacije za svim relevantnim nosiocima aktivnosti.

MAJ 2017.

Komisija za program javnih investicija Zeničko-dobojskog kantona je intenzivirala aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je nekoliko radno-konsultativnih sastanaka na kojim se razgovaralo o slijedećim temama:

Od strane Ministarstva za privredu ZDK, nadležnog organa za pripremu PJI, dostavljeni su korigovani IP obrasci JP za prostorno planiranje i uređenje grada Zenice (pitanje br. 28.) za IV kvartal 2016. i I kvartal 2017. godine. Finansijski podaci iz dobijenih obrazaca su, u cilju redovnog ažuriranja, uneseni u bazu podataka PIMIS.

Također je pripremljen i u Ured premijera dostavljen dopis „Informacija i prijedlog za postupanje - Kalendar obaveza iz Zakona o budžetima u FBiH“, u kojem je naglašeno da Zakon o budžetima u Federaciji BiH (“Službene novine Federacije BiH”, broj: 102/13, 9/14, 13/14, 8/15, 91/15 i 104/16), propisuje obavezu izrade i donošenja Programa javnih investicija u FBiH, pri čemu je propisano da kantoni donose svoj Program javnih investicija u koji su uključeni i projekti općina i gradova. U članu 30. Zakona je precizno definisan kalendar prema kojem se priprema i donosi Program javnih investicija, u skladu sa kojim Kantoni dostavljaju Ministarstvu finansija FBiH Nacrt svog Programa javnih investicija do 1.juna, a Program javnih investicija nakon što ga donese Vlada kantona do 5.oktobra. Na osnovu Zakona o budžetima u Federaciji BiH, donesena je Uredba o načinu i kriterijima za pripremu, izradu i praćenje realizacije Programa javnih investicija („Službene novine FBiH“, broj: 106/14), kojom se preciznije uređuju način i kriteriji za pripremu, izradu i praćenje realizacije Programa javnih investicija, i kojom je uveden pojam PIMIS (informacioni sistem za upravljanje javnim investicijama uvezan između različitih nivoa vlasti). Uredbom je propisano da Vlada kantona određuje Nadležni kantonalni organ, a da je Kanton obavezan osigurati tehničke preduslove najmanje na jednoj lokaciji za on-line pristup PIMIS-u i iz reda zaposlenika imenovati kantonalnog koordinatora ovlaštenog za unos podataka o kantonalnim, gradskim i općinskim projektima u PIMIS. Vlada Zeničko-dobojskog kantona je Odlukom o izmjenama Odluke Vlade Zeničko-dobojskog kantona, broj: 02-14-13463/15 od 25.06.2015. godine (“Službene novine Zeničko-dobojskog kantona”, broj 11/16) odredila Ministarstvo za privredu kao Nadležni kantonalni organ za pripremu Programa javnih investicija kantona, u koji su uključeni projekti gradova i općina. Vlada Zeničko-dobojskog kantona je na prijedlog Stručne službe Vlade, donijela Rješenje kojim se imenuje Hidajet Keleštura, za kantonalnog koordinatora, koji se ovlašćuje za unos podataka putem elektronskog IP obrasca o kantonalnim, gradskim i općinskim projektima u PIMIS (“Službene novine Zeničko-dobojskog kantona”, broj: 5/15). U skladu sa tačkom 1. Rješenja Vlade i članom 7., tačka (5), te članom 10., tačka (1) Uredbe o načinu i kriterijima za pripremu, izradu i praćenje realizacije programa javnih investicija, propisano je da podatke o investicionim projektima u PIMIS unosi kantonalni koordinator ovlašten za unos IP obrazaca, za šta kantonalni koordinator posjeduje odgovarajuće pristupne podatke i autorizacije. Nakon unosa, isti se štampaju i u skladu sa ovlaštenjem kantonalnog koordinatora vraćaju podnosiocima na verifikaciju, te uz IP obrazac Kantonalni koordinator Nadležnom kantonalnom organu dostavlja i Obrazac za ocjenu prijedloga projekta. S obzirom da je kantonalni koordinator, imenovan Rješenjem Vlade, na bolovanju od oktobra 2016. godine sa kratkim prekidom bolovanja od nekoliko radnih dana i jednim mjesecom godišnjeg odmora, do mjeseca maja 2017. godine, kada je Komisija održavala redovne konsultacije, nije bio započet unos podataka u PIMIS, čime je doveden u pitanje cjelokupan proces izrade Programa javnih

investicija za period 2018.-2020. godine. Naime, Program javnih investicija se priprema i donosi svake godine prema kalendaru utvrđenom Zakonom i Uredbom, tj. do 1. juna 2017. godine je potrebno da Kanton, putem Nadležnog kantonalnog organa (Ministarstvo za privredu ZDK), Ministarstvu finansija FBiH dostavi nacrt Programa javnih investicija za period 2018.-2020. godine. Nadležni kantonalni organ (Ministarstvo za privredu) je prikupilo i kantonalnom koordinatoru u aprilu dostavilo 60 projekata na propisanim IP obrascima. U vezi s tim dati su određeni prijedlozi kako bi se osiguralo centralizovano upravljanje Programom javnih investicija, te poštivanje Kalendara koji je propisan Zakonom i Uredbom.

JUNI 2017.

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je više radno-konsultativnih sastanaka, te redovna komunikacija za izvjestiocima o implementaciji projekata koji su ušli u raniji Program javnih investicija 2017.-2019. godine, oko dostavljanja izvještaja o istim, te davano niz uputa i pojašnjenja radi prikupljanja cjelovite i relevantne dokumentacije čime će se omogućiti da njihovi projekti uđu u novi Program javnih investicija napominjući ključni kriterij kompletiranosti dokumentacije iz člana 12. Uredbe.

JULI 2017

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Na radno-konsultativnim sastancima na kojim se razgovaralo o slijedećim temama:

Pripremljena je i u Ured premijera dostavljena urgencija za postupanje broj: 19-34-13464-2/15 od 14.07.2017. godine na dopis broj: 19-34-13464-1/15 od 25.05.2017. godine. U Zakonu o budžetima u FBiH i Uredbi o načinu i kriterijima za pripremu, izradu i praćenje realizacije Programa javnih investicija, donesenoj na osnovu Zakona o budžetima u F BiH, precizno je definisan kalendar prema kojem se priprema i donosi Program javnih investicija. Obaveze koje prethode izradi Nacrta Programa javnih investicija kantona su obaveza nadležnog kantonalnog organa (Ministarstva za privredu) da prikupi popunjene IP obrasce zainteresovanih kantonalnih organa uprave, kantonalnih agencija, gradova, općina i JP u nadležnosti Vlade kantona, odnosno jedinica lokalne samouprave, i iste dostavi kantonalnom koordinatoru radi unosa podataka u PIMIS bazu. Nakon unosa podataka u PIMIS bazu, kantonalni koordinator do 10. aprila nadležnom kantonalnom organu (Ministarstvu za privredu) dostavlja popunjene i ovjerene IP obrasce sa podacima unesenim u PIMIS bazu, kako bi nadležni kantonalni organ (Ministarstvo za privredu) utvrdio rang listu prioriternih projekata kandidovanih za Program javnih investicija kantona na osnovu broja bodova koje je Kantonalna komisija dodijelila projektu. S tim u vezi nadležni kantonalni organ (Ministarstvo za privredu) je prikupio i kantonalnom koordinatoru u aprilu dostavio 60 projekata, koji ni u ovom mjesecu nisu bili uneseni u PIMIS bazu, zbog čega nadležni kantonalni organ (Ministarstvo za privredu) nije utvrdio rang listu i nije ispunjena obaveza propisana Zakonom o budžetima u FBiH i Uredbom o načinu i kriterijima za pripremu, izradu i praćenje realizacije Programa javnih investicija, nije pripremljen i dostavljen Ministarstvu finansija FBiH nacrt Programa javnih investicija za period 2018.-2020. godina u propisanom roku, odnosno do 01. juna 2017. godine.

AVGUST 2017.

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je nekoliko radno-konsultativnih sastanaka na kojim se razgovaralo o slijedećim temama:

U vezi sa Urgencijom koju je VIK d.o.o. Zenica dostavio u Ured premijera, a koja je zatim dostavljena određenim kantonalnim organima uprave, isti su informisani da Zakon o budžetima u Federaciji BiH (“Službene novine Federacije BiH”, broj: 102/13, 9/14, 13/14, 8/15, 91/15, 102/15 i 104/16), propisuje obavezu izrade i donošenja Programa javnih investicija u FBiH, pri čemu je propisano da kantoni donose svoj Program javnih investicija u koji su uključeni i projekti općina i gradova. U članu 30. Zakona je precizno definisan kalendar prema kojem se priprema i donosi Program javnih investicija, u skladu sa kojim Kantoni dostavljaju Ministarstvu finansija FBiH Nacrt svog Programa javnih investicija do 1. juna, a Program javnih investicija nakon što ga donese Vlada kantona do 5. oktobra. Također su informisani da je na osnovu Zakona o budžetima u Federaciji BiH, donesena Uredba o načinu i kriterijima za pripremu, izradu i praćenje realizacije Programa javnih investicija („Službene novine FBiH“, broj: 106/14), kojom se preciznije uređuju način i kriteriji za pripremu, izradu i praćenje realizacije Programa javnih investicija, te da je Vlada Zeničko-dobojskog kantona Odlukom o izmjenama Odluke Vlade Zeničko-dobojskog kantona, broj: 02-14-13463/15 od 25.06.2015. godine (“Službene novine Zeničko-dobojskog kantona”, broj 11/16) odredila Ministarstvo za privredu kao Nadležni kantonalni organ za pripremu Programa javnih investicija kantona, u koji su uključeni projekti gradova i općina. Ministarstvo za privredu se, u skladu sa članom 9., stav (1) Uredbe, svim potencijalnim podnosiocima projekata pravovremeno obratilo dana 08.02.2017. godine u kojem je navelo da je obrasce, shodno kriterijima Uredbe, potrebno popuniti i dostaviti u Ministarstvo za privredu najkasnije do 28.02.2017. godine iz čega jasno slijedi da je VIK bio informisan o toku informacija i dokumentacije. Data je instrukcija VIK-u da su, kao podnosioci projekta iz člana 11. Uredbe dužni da se pridržavaju Zakona o budžetima i svih odredbi Uredbe, te je u tom smislu potrebno da ubuduće svoju komunikaciju u vezi sa popunjavanjem IP obrasca i izradom Programa javnih investicija ograniče na Nadležni kantonalni organ određen Odlukom Vlade i kantonalnog koordinatora imenovanog Rješenjem Vlade. Vlada Zeničko-dobojskog kantona je na prijedlog Stručne službe Vlade, donijela Rješenje kojim se imenuje Kantonalni koordinator, koji se ovlašćuje za unos podataka putem elektronskog IP obrasca o kantonalnim, gradskim i općinskim projektima u PIMIS (“Službene novine Zeničko-dobojskog kantona”, broj 5/15). U skladu sa tačkom 1. Rješenja Vlade i članom 7., tačka (5) te članom 10., stav (1), (3) i (4) Uredbe, propisano je da podatke o investicionim projektima u PIMIS unosi kantonalni koordinator ovlašten za unos IP obrazaca, da Kantonalni koordinator Ministarstvu finansija i Nadležnom kantonalnom organu dostavlja popunjen, od odgovorne osobe potpisan i ovjeren IP obrazac, sa podacima unesenim u PIMIS. Nakon unosa, isti se štampaju i u skladu sa ovlaštenjem kantonalnog koordinatora vraćaju podnosiocima na verifikaciju, te uz IP obrazac Kantonalni koordinator Nadležnom kantonalnom organu dostavlja i Obrazac za ocjenu prijedloga projekta. Kantonalni koordinator za PIMIS je u skladu sa Rješenjem Vlade ovlašten za unos podataka, a kako ga je imenovala Vlada, za svoj rad na PIMIS-u odgovara Vladi. Poslove koordinacije vezane za izradu PJI kantonalni koordinator je započeo obavljati tek 10.08.2017. godine.

SEPTEMBAR 2017.

Komisija za program javnih investicija Zeničko-dobojskog kantona je redovno obavljala sve aktivnosti koje se odnose na pripremu razvojnih politika i programa javnih

investicija Zeničko-dobojskog kantona, a posebno onih koji omogućavaju implementaciju usvojenih razvojnih strategija. Održano je nekoliko radno-konsultativnih sastanaka te se održavala redovna komunikacija sa kantonalnim koordinatorom radi praćenja toka unosa podataka u PIMIS bazu, koji je krajem mjeseca septembra dostavio ovjerene i potpisane IP obrasce nadležnom kantonalnom organu, prateću dokumentaciju dostavljenu od strane predlagača, kao i izvještaj o unesenim projektima u PIMIS bazu.

OKTOBAR 2017

Nadležni kantonalni organ je dostavio početkom mjeseca oktobra sve potencijalne projekte dostavljene od strane predlagača sa izvještajima Kantonalnog koordinatora Komisiji na dalji rad. Komisija je, nakon pripreme materijala za sve članove Komisije, od strane sekretara Komisije, dana 13.10.2017. godine u prostorijama Ministarstva finansija Zeničko-dobojskog kantona održala svoju sjednicu koja se odnosila na samu analizu i ocjenjivanje projekata u 2017. godini, u skladu sa Kriterijima i principima za ocjenjivanje projekata kandidiranih za PJI 2018.-2020. godine iz Obrasca za ocjenu prijedloga projekta

Na samom početku, Predsjednica komisije je informisala ostale članove Komisije o broju projekata predloženih za Program javnih investicija Zeničko-dobojskog kantona, te o činjenici da samo određeni broj projekata ispunjava sve uslove propisane članom 12. Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14).

Nakon toga članovi Komisije su počeli sa analizom i ocjenjivanjem projekata u skladu sa Kriterijima i principima za ocjenjivanje projekata kandidiranih za PJI iz Obrasca za ocjenu prijedloga projekta.

U toku sjednice od strane prisutnih članova Komisije razmotreno je i ocijenjeno ukupno jedanaest predloženih projekata koji su ispunjavali sve uslove propisane članom 12. Uredbe.

Komisija je takođe podržala inicijativu Federalnog ministarstva finansija od 05.10.2017. godine da se u budućem periodu, u cilju poboljšanja sveukupnog procesa pripreme Programa javnih investicija omogući dodatna edukacija i podnosiocima prijedloga projekata.

Komisija je dana 17.10.2017. godine u prostorijama Ministarstva finansija Zeničko-dobojskog kantona održala svoju narednu sjednicu radi hitnog utvrđivanja Prijedloga konačne Rang - liste predloženih investicionih projekata i davanja preporuke Ministarstvu privrede za uvrštavanje kandidiranih projekata u Program javnih investicija Zeničko-dobojskog kantona, uzimajući u obzir krajnji rok koji je postavilo FMF za dostavljanje PJI, tj. 20.10.2017. godine.

Nakon održane rasprave Komisija je jednoglasno, glasovima prisutnih članova, utvrdila prijedlog konačne Rang - liste predloženih investicijskih projekata, te dala preporuku Ministarstvu za privredu za uvrštavanje ocijenjenih projekata u Program javnih investicija Zeničko-dobojskog kantona s obzirom da je Program javnih investicija trogodišnji dokument koji sadrži pregled ulaganja u projekte sa podacima o ukupno potrebnim i utrošenim sredstvima, te sredstvima planiranim za finansiranje projekata iz budžeta, kredita, donacija i/ili drugih izvora. Program sadrži podatke o projektima po sektorima i podnosiocima prijedloga projekata, u trogodišnjem periodu prema principu 1+2.

Program obuhvata:

- projekte u implementaciji za čiju su realizaciju osigurani izvori finansiranja ili je izvjesno da će biti osigurana sredstva za njihovo finansiranje (u daljem tekstu: projekti u implementaciji) i
- prioritetne projekte za koje nisu osigurani izvori finansiranja u momentu izrade programa javnih investicija (u daljem tekstu: kandidovani projekti).

Svrha donošenja Programa javnih investicija Zeničko-dobojskog kantona (u daljem

tekstu: PJI Zeničko-dobojskog kantona) je da posluži Vladi Zeničko-dobojskog kantona kao osnov za bolje planiranje i upravljanje sredstvima razvoja. Dugoročni cilj je povezivanje PJI Zeničko-dobojskog kantona sa procesom strateškog planiranja i budžetiranja. Projekti uključeni u PJI stavljaju se u funkciju ostvarivanja sektorskih politika i strateških ciljeva definisanih u okviru nadležnosti Vlade Zeničko-dobojskog kantona planiranjem kroz proces izrade Dokumenta okvirnog budžeta, te mobilizacijom i korištenjem sredstava za njihovu realizaciju. Obzirom da raspoloživa sredstva nisu uvijek dovoljna za višegodišnje finansiranje projekata, PJI Zeničko-dobojskog kantona kao instrument planiranja, pomaže u boljem planiranju i korištenju sredstava, te stvara pretpostavke za pristup stranim izvorima finansiranja. Kako se PJI Zeničko-dobojskog kantona, pored kandidovanih prioritetnih projekata sastoji i od projekata u implementaciji, PJI Zeničko-dobojskog kantona služi i kao osnova za analizu javnih investicija. Kao takav PJI Zeničko-dobojskog kantona, za Vladu Zeničko-dobojskog kantona treba postati sredstvo za upravljanje razvojem i podizanje efikasnosti javnih investicija u Zeničko-dobojskom kantonu, te osnova za planiranje ulaganja i donošenja investicionih odluka.

Komisija je na svojim sjednicama izvršila analizu i ocjenjivanje 11 uredno dostavljenih projekata u skladu sa Kriterijima i principima za ocjenjivanje projekata kandidiranih za Program javnih investicija iz Obrasca za ocjenu prijedloga projekta, te dala Ministarstvu za privredu, kao Nadležnom kantonalnom organu, preporuku za uvrštavanje ocijenjenih kandidiranih projekata u Program javnih investicija Zeničko-dobojskog kantona. Nakon toga je Ministarstvo za privredu Zeničko-dobojskog kantona utvrdilo Program javnih investicija Zeničko-dobojskog kantona za period 2018. - 2020. godine i isti se dostavlja Vladi Kantona na donošenje. Ukoliko podnosilac projektnog prijedloga za projekat koji je bio predmet ocjenjivanja dopuni dokumentaciju i revidira IP Obrazac, Komisija ponovo boduje projekat i ovisno o novim informacijama o kandidovanom projektu, odlučuje o podobnosti projekta za uključivanje u Prijedlog PJI Zeničko-dobojskog kantona. Od 34 nova projekta dostavljena od strane ovlaštenih predlagača, Komisija za Program javnih investicija Zeničko-dobojskog kantona je u skladu sa Kriterijima i principima za ocjenjivanje, analizirala i ocjenila ukupno 8 projektnih prijedloga koji zadovoljavaju minimalne kvalifikacijske kriterije i za koje je dostavljena relevantna prateća dokumentacija u skladu sa članom 12. Uredbe. Također, Komisija je razmatrala i 27 projekata koji su već bili kandidovani za PJI za period 2017. - 2019. godine, ali u 2016 godini nisu bila ocijenjena iz razloga što nisu ispunjavali sve uslove propisane članom 12. Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14).

S obzirom da je u međuvremenu za 3 projekta upotpunjena potrebna dokumentacija i isti su od strane Kantonalnog koordinатора dostavljeni kao projekti koji sada ispunjavaju sve uslove, Komisija je izvršila ocjenjivanje i ta 3 projekta.

S obzirom da je predlagač projekata JU Kantonalna bolnica Zenica dva projekta koja su ocjenjena u 2016. godini i koja se nalaze u PJI za period 2017. - 2019. godine („Novi termoenergetski blok i mašinske instalacije JU Kantonalne bolnice“ i „Utopljanje postojećih objekata JU Kantonalne bolnice Zenica“), u međuvremenu spojio u jedan projekat pod novim nazivom „Novi termoenergetski blok, mašinske instalacije i utopljanje objekata Kantonalne bolnice Zenica sa nadogradnjom“, a kako su izmijenjeni i podaci za period trajanja projekta i ukupnih trokova projekta, Komisija je razmatrala i ponovo ocijenila i projekat „Novi termoenergetski blok, mašinske instalacije i utopljanje objekata Kantonalne bolnice Zenica sa nadogradnjom“.

Na osnovu broja bodova koje je dodijelila svakom od projekata Komisija je utvrdila rang listu prioritetnih projekata kandidovanih za PJI Zeničko-dobojskog kantona za period 2018. - 2020. godine.

Članom 12. Uredbe propisano je da je za projekt kandidovan u Program javnih investicija za koji je potrebno finansiranje budžetskim sredstvima, zaduživanjem ili izdavanje garancije Federacije, kantona, grada ili općine, podnosilac prijedloga, uz IP obrazac, obavezan je priložiti relevantnu dokumentaciju.

Projektni prijedlozi uneseni u PIMIS sistem za koje nije dostavljena relevantna prateća dokumentacija nisu bili predmet ocjenjivanja od strane Komisije.

U PJI Zeničko-dobojskog kantona 2018. - 2020. godinu su uključeni projekti za koje su Ministarstvu privrede od strane Kantonalnog koordinatora dostavljeni popunjeni propisani IP obrasci i koje je Komisija ocijenila.

Program sadrži podatke o ukupno 11 ocijenjenih projekata. Ukupna vrijednost svih ocijenjenih projekata je 38.750.000,00 KM, od čega se 4.200.000,00 KM odnosi na 4 kandidovana projekta i 34.550.000,00 KM na 7 projekata u implementaciji.

Najveća ukupna vrijednost projekata je u sektoru Osnovno zdravstvo u iznosu od 28.500.000 KM ili 82,49%, zatim slijede Vodogradnja i sanitacija u iznosu od 3.000.000 KM ili 8,68%, Promet i skladištenje u iznosu od 2.550.000 KM ili 7,38% i Građevinarstvo u iznosu od 500.000 KM ili 1,45%, što čini ukupan iznos troškova svih kandidovanih i ocijenjenih projekata prema DAC sektorima od 34.550.000,00 KM.

Komisija za Program javnih investicija Zeničko-dobojskog kantona, je dana 17.10.2017. godine uz svoj akt broj: 02-14-18735-6/15 od 17.10.2017. godine, Ministarstvu za privredu kao nadležnom kantonalnom organu, dostavila prijedlog konačne Rang - liste predloženih investicijskih projekata, te dala preporuku Ministarstvu privrede za uvrštavanje ocijenjenih projekata u Program javnih investicija Zeničko-dobojskog kantona, u skladu sa članom 9. stav (4) i članom 14 stav (3) tačka a) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije BiH", br: 106/14), tačkom III. Rješenja Vlade Zeničko-dobojskog kantona o imenovanju Komisije za program javnih investicija Zeničko-dobojskog kantona, broj: 02-14-18735/15 od 16.10.2015. godine i članom 7. Poslovnika o radu Komisije za Program javnih investicija Zeničko-dobojskog kanton, broj: 02-14-18735-1/15 od 05.10.2016. godine.

Nada Delibašić, predsjednik	_____
Ljiljana Anđelić, zamjenik predsjednika	_____
Kovač Rasim, član	_____
Senada Dizdar, član	_____
Željko Bodul, član	_____
Ankica Radić, član	_____
Đenana Čolaković, član	_____
Amra Babić, član	_____
Ismar Alagić, član	_____
Adis Čehić, sekretar	_____